



Broj: 01-50-1-15-11/20

Sarajevo, 23. 7. 2020.

PRIMLJENO. 22-09-2020

Organizaciona jedinica	Klasifikaciona oznaka	Redni broj	Broj priloga

ZAPISNIK

11. sjednice Predstavničkog doma Parlamentarne skupštine Bosne i Hercegovine, održane 23. 7. 2020.

Sjednica je počela u 10.14 sati. Prisustvovalo je 35 poslanika.

Odsustvovali su poslanici: Ljubica Miljanović, Mirsad Kukić, Jakov Galić, Nenad Nešić, Nenad Stevandić, Zukan Helez i Safet Softić.

Sjednici su prisustvovali predsjedavajući Vijeća ministara BiH i ministri.

Sjednici su prisustvovali predstavnici Ureda za reviziju institucija BiH.

Predsjedavajući Doma Nebojša Radmanović upoznao je Dom sa izmjenama i dopunama dnevnog reda kako slijedi:

S ranijeg dnevnog reda skinute su:

- **Tačka 9.** - Prijedlog zakona o izmjenama i dopunama Zakona o zaštiti potrošača u Bosni i Hercegovini, predlagači poslanice: Borjana Krišto, Darijana Filipović, Alma Čolo, Nada Mladina i Edita Đapo, broj: 01-02-1-1408/20 od 9. 7. 2020. (prvo čitanje), skinuta je s dnevnog reda jer komisije nisu dostavile mišljenja o Prijedlogu zakona;
- **Tačka 10.** - Izvještaj Zajedničke komisije oba doma Parlamentarne skupštine BiH o postizanju identičnog teksta Zakona o izmjenama Zakona o plaćama i naknadama u institucijama Bosne i Hercegovine (predlagač: Vijeće ministara BiH, broj: 01,02-02-1-2015/17 od 9. 8. 2017. i 27. 9. 2017), jer Zajednička komisija nije dostavila izvještaj i
- **Tačka 23.** - Razmatranje poslaničke inicijative Edite Đapo koja glasi: „U skladu s članom 8. Poslovnika Predstavničkog doma Parlamentarne skupštine Bosne i Hercegovine ('Službeni glasnik BiH', br. 79/14, 81/15, 91/15 i 78/19), podnosim poslaničku inicijativu da Vijeće ministara BiH, odnosno Ministarstvo pravde BiH pripremi novi tekst Zakona o rješavanju sukoba zakona s propisima drugih zemalja u određenim odnosima“, broj: 01-50-1-1380/20 od 6. 7. 2020, skinuta je s dnevnog reda na zahtjev predlagača.

Na dnevni red dodate su:

- **Tačka 19.** - Prijedlog odluke o imenovanju člana Državne regulatorne komisije za električnu energiju iz Republike Srpske, predlagač: Vijeće ministara BiH, broj: 01,02-34-1-1477/20 od 20. 7. 2020, i
- **Tačka 20.** - Imenovanje tri člana iz Predstavničkog doma u Zajedničku komisiju za usaglašavanje teksta Zakona o Budžetu institucija Bosne i Hercegovine i međunarodnih obaveza Bosne i Hercegovine za 2020. godinu (predlagač: Predsjedništvo BiH).

Dopunjena je:

- **Tačka 6.** - Prijedlog zakona o izmjenama i dopunama Izbornog zakona Bosne i Hercegovine, predlagači poslanici: Dženan Đonlagić, Zlatan Begić, Vlatko Glavaš i Enver Bijedić, broj: 01-02-1-316/20 od 5. 2. 2020, s **Mišljenjem Ustavnopravne komisije**, koje je negativno po drugi put.

U okviru rasprave o dnevnom redu Nikola Lovrinović predložio je da se skine tačka 3. dnevnog reda: Potvrđivanje imenovanja ministra sigurnosti u Vijeću ministara BiH, materijal broj: 01-34-1-1450/20 od 15. 7. 2020, odnosno da predlagač povuče svoj prijedlog.

U vezi s prijedlogom diskutirao je predsjedavajući Vijeća ministara BiH Zoran Tegeltija, rekavši, između ostalog, da su nadležne institucije BiH obavile sve potrebne provjere i provele procedure u vezi s predloženim kandidatom za ministra sigurnosti BiH, te da on ne može povući ovaj prijedlog s dnevnog reda.

Predsjedavajući je konstatirao da 11. sjednica Predstavničkog doma ima sljedeći

DNEVNI RED

1. Usvajanje zapisnika 10. sjednice, 7, 8. i 9. hitne sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Potvrđivanje imenovanja ministra sigurnosti u Vijeću ministara BiH, materijal broj: 01-34-1-1450/20 od 15. 7. 2020;
4. Prijedlog zakona o izmjeni i dopunama Zakona o plaćama i drugim naknadama u sudskim i tužilačkim institucijama Bosne i Hercegovine, predlagač: Vijeće ministara BiH, broj: 01,02-02-1-596/20 od 31. 3. 2020. (drugo čitanje);
5. Prijedlog zakona o sprečavanju sukoba interesa u institucijama vlasti Bosne i Hercegovine, predlagači poslanici: Saša Magazinović, Damir Arnaut i Jasmin Emrić, broj: 01-02-1-2573/17 od 19. 6. 2019. (prvo čitanje);

6. Prijedlog zakona o izmjenama i dopunama Izbornog zakona Bosne i Hercegovine, predlagači poslanici: Dženan Đonlagić, Zlatan Begić, Vlatko Glavaš i Enver Bijedić, broj: 01-02-1-316/20 od 5. 2. 2020, s Mišljenjem Ustavnopravne komisije;
7. Prijedlog zakona o dopunama Zakona o prekršajima, predlagač: Vijeće ministara BiH, broj: 01,02-02-1-679/20 od 9. 6. 2020. (prvo čitanje);
8. Prijedlog zakona o izmjenama i dopuni Zakona o sudskim taksama u postupku pred Sudom Bosne i Hercegovine, predlagač: Vijeće ministara BiH, broj: 01,02-02-1-1344/20 od 2. 7. 2020. (prvo čitanje);
9. Izvještaj komisije Kolegija o nastojanju za postizanje saglasnosti o prijedlogu poslanika Nermina Nikšića za uvrštavanje nove tačke u dnevni red 10. sjednice Predstavničkog doma Parlamentarne skupštine BiH, koja glasi: Zahtjev poslanika Nermina Nikšića za razmatranje Prijedloga zakona o izmjenama i dopunama Izbornog zakona Bosne i Hercegovine po hitnom postupku, u skladu s članom 133. Poslovnika, broj: 01-02-1-1383/20 od 8. 7. 2020;
10. Izvještaj komisije Kolegija o nastojanju za postizanje saglasnosti o Prijedlogu zakona o privremenim mjerama u radu pravosudnih i drugih organa Bosne i Hercegovine za vrijeme stanja prirodne ili druge nesreće na teritoriji Bosne i Hercegovine, predlagač: Vijeće ministara BiH (hitni postupak), broj: 01,02-02-1-865/20 od 8. 7. 2020;
11. Izvještaj komisije Kolegija o nastojanju za postizanje saglasnosti o Prijedlogu zakona o izmjenama Zakona o plaćama i naknadama u institucijama Bosne i Hercegovine, predlagači: poslanici Mirjana Marinković-Lepić i Predrag Kojović, skraćeni postupak (zakon u drugom čitanju), broj: 01-02-1-840/19 od 8. 7. 2019;
12. Izvještaj komisije Kolegija o nastojanju za postizanje saglasnosti o poslaničkoj inicijativi: Predraga Kojovića, Aide Baručije, Mirjane Marinković-Lepić i Damira Arnauta koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo poslaničku inicijativu kojom se Vijeću ministara BiH nalaže da hitno, a najkasnije u roku od 15 dana, u parlamentarnu proceduru dostavi izmjene i dopune Zakona o javnim nabavkama”, broj: 01-50-1-896/20 od 8. 7. 2020;
13. Izvještaj o izvršenoj reviziji učinka o temi: „Pravna zaštita u postupcima javnih nabavki pred Uredom za razmatranje žalbi BiH“, podnosilac: Ured za reviziju institucija BiH, broj: 01/4-16-10-2256/19 od 26. 12. 2019;
14. Izvještaj o izvršenoj reviziji učinka o temi: „Sigurnost proizvoda i integracije u tržište EU“, podnosilac: Ured za reviziju institucija BiH, broj: 01/4-16-10-71/20 od 7. 1. 2020;
15. Izvještaj o izvršenoj reviziji učinka o temi: „Praćenje realizacije preporuka revizije učinka“, podnosilac: Ured za reviziju institucija BiH, broj: 01/4-16-10-885/20 od 5. 5. 2020;
16. Godišnji konsolidirani izvještaj interne revizije za 2019. godinu, podnosilac: Ministarstvo finansija i trezora BiH, broj: 01,02-16-1-1290/20 od 30. 6. 2020;
17. Konsolidirani izvještaj o sistemu finansijskog upravljanja i kontrole za 2019. godinu, podnosilac: Ministarstvo finansija i trezora BiH, broj: 01,02-16-1-1291/20 od 30. 6. 2020;
18. Izbor člana Visokog sudskog i tužilačkog vijeća BiH, u skladu s članom 4. stav (1) tačka n) Zakona o Visokom sudskom i tužilačkom vijeću BiH, materijal Visokog sudskog i tužilačkog vijeća BiH, broj: 01-50-18-546/20 od 25. 2. 2020. i 4. 3. 2020;
19. Prijedlog odluke o imenovanju člana Državne regulatorne komisije za električnu energiju iz Republike Srpske, predlagač: Vijeće ministara BiH, broj: 01,02-34-1-1477/20 od 20. 7. 2020;

20. Imenovanje tri člana iz Predstavničkog doma u Zajedničku komisiju za usaglašavanje teksta Zakona o Budžetu institucija Bosne i Hercegovine i međunarodnih obaveza Bosne i Hercegovine za 2020. godinu (predlagač: Predsjedništvo BiH);
21. Razmatranje poslaničke inicijative: Mirjane Marinković-Lepić, Damira Arnauta, Predraga Kojovića i Aide Baručije, koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo poslaničku inicijativu kojom se sugerira nadležnim državnim i entitetskim institucijama, odnosno institucijama Brčko Distrikta (vlade i zakonodavna tijela), da pripreme i usvoje izmjene i dopune zakona o parničnom postupku, na način da se u njih inkorporiraju odredbe o oslobađanju od plaćanja troškova postupka koji obuhvata i iznos koji bi se stranci priznao na ime nagrade advokatu u slučaju kada stranke zastupa javno pravobranilaštvo, a u skladu sa sudskom praksom Evropskog suda za ljudska prava”, broj: 01-50-1-1222/20 od 19. 6. 2020;
22. Razmatranje poslaničke inicijative poslanika Kluba SDA koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo poslaničku inicijativu kojom Predstavnički dom Parlamentarne skupštine BiH, u skladu s članom 35. Zakona o Vijeću ministara Bosne i Hercegovine ('Službeni glasnik BiH', br. 30/03, 42/03, 81/06, 76/07, 81/07, 94/07 i 24/08), obavezuje Vijeće ministara BiH da u roku od 90 dana pripremi Prijedlog zakona o izmjenama i dopunama Zakona o Sudskoj policiji Bosne i Hercegovine ('Službeni glasnik BiH', br. 3/03, 21/03 i 8/13), i to na način da se Sudska policija Bosne i Hercegovine osniva kao osnovna organizaciona jedinica u sastavu Suda Bosne i Hercegovine”, broj: 01-50-1-1229/20 od 22. 6. 2020;
23. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Rumunije o uzajamnoj zaštiti tajnih podataka, broj: 01,02-21-1-1310/20 od 1. 7. 2020;
24. Davanje saglasnosti za ratifikaciju Ugovora Svjetske organizacije za intelektualno vlasništvo (Wipo) iz Marakeša za olakšanje pristupa objavljenim djelima slijepim, slabovidim i licima koja se iz drugog razloga ne mogu koristiti štampom, broj: 01,02-21-1-1345/20 od 2. 7. 2020;
25. Davanje saglasnosti za ratifikaciju Izmijenjene konvencije Evropske organizacije za satelitske komunikacije (EUTELSAT), broj: 01,02-21-1-1347/20 od 2. 7. 2020;
26. Davanje saglasnosti za ratifikaciju Dodatnog protokola 6. o trgovini uslugama uz Sporazum o izmjeni i pristupanju Centralnoevropskom sporazumu o slobodnoj trgovini (CEFTA 2006), broj: 01,02-21-1-1355/20 od 3. 7. 2020.

Ad. 1. Usvajanje zapisnika 10. sjednice, 7, 8. i 9. hitne sjednice Predstavničkog doma Parlamentarne skupštine BiH

Predsjedavajući je dao uvodne napomene. Nije bilo rasprave.

Zapisnik 10. sjednice Predstavničkog doma usvojen je s 28 glasova „za“ (iz Federacije BiH 22, iz Republike Srpske šest), bez glasova „protiv“ i jednim „suzdržanim“ glasom.

Zapisnik 7. hitne sjednice Predstavničkog doma usvojen je s 28 glasova „za“ (iz Federacije BiH 22, iz Republike Srpske šest), bez glasova „protiv“ i jednim „suzdržanim“ glasom.

Zapisnik 8. hitne sjednice Predstavničkog doma usvojen je s 29 glasova „za“ (iz Federacije BiH 22, iz Republike Srpske sedam), bez glasova „protiv“ i dva „suzdržana“ glasa.

Zapisnik 9. hitne sjednice Predstavničkog doma usvojen je s 30 glasova „za“ (iz Federacije BiH 22, iz Republike Srpske osam), bez glasova „protiv“ i dva „suzdržana“ glasa.

Ad. 2. Komentari na dobivene odgovore na poslanička pitanja

Predsjedavajući je u uvodnim napomenama rekao sljedeće:

U skladu s članom 170. Poslovnika, do ove sjednice Doma pitanja i inicijative u pisanoj formi postavili su poslanici:

- **Borjana Krišto** - postavila tri pitanja;
- **Snježana Novaković-Bursać** - postavila jedno pitanje;
- **Mirjana Marinković-Lepić** - postavila šest pitanja i zatražila upućivanje urgencije za dostavljanje odgovora;
- **Aida Baručija** - postavila jedno pitanje;
- **Damir Arnaut** - postavio jedno pitanje;
- **Nada Mladina** - postavila jedno pitanje;
- **Edita Đapo** - uputila inicijativu Kolegiju Doma;
- **Saša Magazinović** - postavio 17 pitanja i zatražio upućivanje urgencija za dostavljanje odgovora;
- **Nenad Nešić** - postavio jedno pitanje.

Do današnje sjednice dostavljeni su sljedeći odgovori:

- na pitanja **Nenada Nešića** dostavljena su tri odgovora;
- na pitanja **Saše Magazinovića** dostavljeno je devet odgovora;

- na pitanja **Aide Baručije** dostavljena su dva odgovora;
- na pitanja **Mirjane Marinković-Lepić** dostavljeno je pet odgovora;
- na pitanja **Damira Arnauta** dostavljen je jedan odgovor.

Odgovore su komentirali poslanici Saša Magazinović i Damir Arnaut.

Ad. 3. Potvrđivanje imenovanja ministra sigurnosti u Vijeću ministara BiH, materijal broj: 01-34-1-1450/20 od 15. 7. 2020.

Nakon uvodnih napomena predsjedavajućeg Doma, predsjedavajući Vijeća ministara BiH Zoran Tegeltija pročitao je Odluku o imenovanju ministra sigurnosti u Vijeću ministara BiH.

U raspravi su učestvovali: Nikola Lovrinović, Dženan Đonlagić, Adil Osmanović, Damir Arnaut, Predrag Kožul, Saša Magazinović, Borjana Krišto, Branislav Borenović i Sanja Vulić.

Dom je, sa 18 glasova „za“ (iz Federacije BiH 12, iz Republike Srpske šest), 13 glasova „protiv“ i dva glasa „suzdržan“, potvrdio imenovanje Selme Cikotića za ministra sigurnosti u Vijeću ministara BiH.

Ad. 4. Prijedlog zakona o izmjeni i dopunama Zakona o plaćama i drugim naknadama u sudskim i tužilačkim institucijama Bosne i Hercegovine, predlagač: Vijeće ministara BiH, broj: 01,02-02-1-596/20 od 31. 3. 2020. (drugo čitanje)

Predsjedavajući je dao uvodne napomene. Nije bilo rasprave.

„Za“ Prijedlog zakona o izmjeni i dopunama Zakona o plaćama i drugim naknadama u sudskim i tužilačkim institucijama Bosne i Hercegovine glasala su 22 poslanika (iz Federacije BiH 21, iz Republike Srpske jedan), šest glasova bilo je „protiv“ i četiri glasa „suzdržan“. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o navedenom prijedlogu zakona u drugom čitanju.

Ad. 5. Prijedlog zakona o sprečavanju sukoba interesa u institucijama vlasti Bosne i Hercegovine, predlagači poslanici: Saša Magazinović, Damir Arnaut i Jasmin Emrić, broj: 01-02-1-2573/17 od 19. 6. 2019. (prvo čitanje)

Nakon uvodnih napomena predsjedavajućeg, u raspravi su učestvovali: Damir Arnaut, Nikola Lovrinović i Snježana Novaković-Bursać.

„Za“ Prijedlog zakona o sprečavanju sukoba interesa u institucijama vlasti Bosne i Hercegovine glasao je 21 poslanik (iz Federacije BiH 17, iz Republike Srpske četiri), deset glasova bilo je „protiv“, a jedan „suzdržan“. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o navedenom prijedlogu zakona u prvom čitanju.

Ad. 6. Prijedlog zakona o izmjenama i dopunama Izbornog zakona Bosne i Hercegovine, predlagači poslanici: Dženan Donlagić, Zlatan Begić, Vlatko Glavaš i Enver Bijedić, broj: 01-02-1-316/20 od 5. 2. 2020, s Mišljenjem Ustavnopravne komisije

Nakon uvodnih napomena predsjedavajućeg, diskutirali su: Dženan Donlagić, Damir Arnaut, Nikola Lovrinović, Nermin Nikšić i Mirjana Marinković-Lepić.

„Za“ Mišljenje Ustavnopravne komisije o Prijedlogu zakona o izmjenama i dopunama Izbornog zakona Bosne i Hercegovine glasalo je 14 poslanika (iz Federacije BiH šest, iz Republike Srpske osam), „protiv“ 19, a glasova „suzdržan“ nije bilo. Predsjedavajući je konstatirao da Dom nije prihvatio Mišljenje Ustavnopravne komisije o Prijedlogu zakona o izmjenama i dopunama Izbornog zakona Bosne i Hercegovine i da se zakonodavna procedura obustavlja, u skladu s članom 113. stav (4) Poslovnika.

Ad. 7. Prijedlog zakona o dopunama Zakona o prekršajima, predlagač: Vijeće ministara BiH, broj: 01,02-02-1-679/20 od 9. 6. 2020. (prvo čitanje)

Predsjedavajući je dao uvodne napomene. Nije bilo rasprave.

Prijedlog zakona o dopunama Zakona o prekršajima usvojen je u prvom čitanju s 29 glasova „za“ (iz Federacije BiH 21, iz Republike Srpske osam), jednim „protiv“ i tri „suzdržana“ glasa.

Ad. 8. Prijedlog zakona o izmjenama i dopuni Zakona o sudskim taksama u postupku pred Sudom Bosne i Hercegovine, predlagač: Vijeće ministara BiH, broj: 01,02-02-1-1344/20 od 2. 7. 2020. (prvo čitanje)

Predsjedavajući je dao uvodne napomene.

U vezi s odsustvom predlagača za tačke 7. i 8. dnevnog reda diskutirali su Damir Arnaut i Mirjana Marinković-Lepić.

Dom je, s devet glasova „za“ (iz Federacije BiH osam, iz Republike Srpske jedan), devet glasova „protiv“ i osam „suzdržanih“ glasova, odlučio da ne vodi raspravu o Prijedlogu zakona o izmjenama i dopuni Zakona o sudskim taksama u postupku pred Sudom Bosne i Hercegovine bez prisustva predlagača.

Ad. 9. Izvještaj komisije Kolegija o nastojanju za postizanje saglasnosti o prijedlogu poslanika Nermina Nikšića za uvrštavanje nove tačke u dnevni red 10. sjednice Predstavničkog doma Parlamentarne skupštine BiH, koja glasi: Zahtjev poslanika Nermina Nikšića za razmatranje Prijedloga zakona o izmjenama i dopunama Izbornog zakona Bosne i Hercegovine po hitnom postupku, u skladu s članom 133. Poslovnika, broj: 01-02-1-1383/20 od 8. 7. 2020.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici Doma.

U drugom krugu glasanja nije usvojen prijedlog poslanika Nermina Nikšića za uvrštavanje nove tačke u dnevni red 10. sjednice Predstavničkog doma Parlamentarne skupštine BiH, koja glasi: Zahtjev poslanika Nermina Nikšića za razmatranje Prijedloga zakona o izmjenama i dopunama Izbornog zakona Bosne i Hercegovine po hitnom postupku, u skladu s članom 133. Poslovnika – „za“ je glasalo 15 poslanika, „protiv“ 15 (iz Federacije BiH devet, iz Republike Srpske šest), „suzdržana“ su bila tri poslanika.

Ad. 10. Izvještaj komisije Kolegija o nastojanju za postizanje saglasnosti o Prijedlogu zakona o privremenim mjerama u radu pravosudnih i drugih organa Bosne i Hercegovine za vrijeme stanja prirodne ili druge nesreće na teritoriji Bosne i Hercegovine, predlagač: Vijeće ministara BiH (hitni postupak), broj: 01,02-02-1-865/20 od 8. 7. 2020.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici Doma.

U drugom krugu glasanja, s 19 glasova „za“, deset „protiv“ (iz Federacije BiH pet, iz Republike Srpske pet) i četiri glasa „suzdržan“, usvojen je Prijedlog zakona o privremenim mjerama u radu pravosudnih i drugih organa Bosne i Hercegovine za vrijeme stanja prirodne ili druge nesreće na teritoriji Bosne i Hercegovine.

Ad. 11. Izvještaj komisije Kolegija o nastojanju za postizanje saglasnosti o Prijedlogu zakona o izmjenama Zakona o plaćama i naknadama u institucijama Bosne i Hercegovine, predlagači: poslanici Mirjana Marinković-Lepić i Predrag Kojović, skraćeni postupak (zakon u drugom čitanju), broj: 01-02-1-840/19 od 8. 7. 2019.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici Doma.

U drugom krugu glasanja, s 20 glasova „za“, deset „protiv“ (iz Federacije BiH pet, iz Republike Srpske pet) i tri glasa „suzdržan“, usvojen je Prijedlog zakona o izmjenama Zakona o plaćama i naknadama u institucijama Bosne i Hercegovine u drugom čitanju.

Ad. 12. Izvještaj komisije Kolegija o nastojanju za postizanje saglasnosti o poslaničkoj inicijativi: Predraga Kojovića, Aide Baručije, Mirjane Marinković-Lepić i Damira Arnauta koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo poslaničku inicijativu kojom se Vijeću ministara BiH nalaže da hitno, a najkasnije u roku od 15 dana, u parlamentarnu proceduru dostavi izmjene i dopune Zakona o javnim nabavkama“, broj: 01-50-1-896/20 od 8. 7. 2020.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici Doma.

U drugom krugu glasanja, s 23 glasa „za“, pet „protiv“ (iz Republike Srpske) i pet glasova „suzdržan“, usvojena je navedena poslanička inicijativa: Predraga Kojovića, Aide Baručije, Mirjane Marinković-Lepić i Damira Arnauta.

Ad. 13. Izvještaj o izvršenoj reviziji učinka o temi: „Pravna zaštita u postupcima javnih nabavki pred Uredom za razmatranje žalbi BiH“, podnosilac: Ured za reviziju institucija BiH, broj: 01/4-16-10-2256/19 od 26. 12. 2019.

Predsjedavajući je dao uvodne napomene. Nije bilo rasprave.

„Za“ Izvještaj o izvršenoj reviziji učinka o temi: „Pravna zaštita u postupcima javnih nabavki pred Uredom za razmatranje žalbi BiH“ glasala su 24 poslanika (iz Federacije BiH 22, iz Republike Srpske dva), „protiv“ jedan, a „suzdržanih“ je bilo osam poslanika. Predsjedavajući je konstatirao da nema potrebne entitetske većine. Kolegij Doma kao komisija odmah je obavio usaglašavanje. Saglasnost nije postignuta. U drugom krugu glasanja, s 24 glasa „za“, jednim „protiv“ (iz Federacije BiH) i osam glasova „suzdržan“, usvojen je Izvještaj o izvršenoj reviziji učinka o temi: „Pravna zaštita u postupcima javnih nabavki pred Uredom za razmatranje žalbi BiH“.

S 31 glasom „za“ (iz Federacije BiH 24, iz Republike Srpske sedam), bez glasova „protiv“ i dva „suzdržana“ glasa, usvojen je zaključak iz Mišljenja Komisije za finansije i budžet, koji glasi: *„Predstavnički dom Parlamentarne skupštine BiH traži od Ureda za razmatranje žalbi BiH da u roku od šest mjeseci izvijesti Predstavnički dom Parlamentarne skupštine BiH o planiranim i preduzetim aktivnostima na realizaciji preporuka iz Izvještaja o izvršenoj reviziji učinka o temi: 'Pravna zaštita u postupcima javnih nabavki pred Uredom za razmatranje žalbi BiH', te da o preduzetim aktivnostima upozna Ured za reviziju institucija BiH.“*

Ad. 14. Izvještaj o izvršenoj reviziji učinka o temi: „Sigurnost proizvoda i integracije u tržište EU“, podnosilac: Ured za reviziju institucija BiH, broj: 01/4-16-10-71/20 od 7. 1. 2020.

Predsjedavajući je dao uvodne napomene. Diskutirala je Mirjana Marinković-Lepić.

„Za“ Izvještaj o izvršenoj reviziji učinka o temi: „Sigurnost proizvoda i integracije u tržište EU“ glasalo je 26 poslanika (iz Federacije BiH 22, iz Republike Srpske četiri), „protiv“ jedan, a „suzdržanih“ je bilo šest poslanika. Predsjedavajući je konstatirao da nema potrebne entitetske većine. Kolegij Doma kao komisija odmah je obavio usaglašavanje. Saglasnost nije postignuta. U drugom krugu glasanja, s 26 glasova „za“, bez glasova „protiv“ i sedam glasova „suzdržan“, usvojen je Izvještaj o izvršenoj reviziji učinka o temi: „Sigurnost proizvoda i integracije u tržište EU“.

S 29 glasova „za“ (iz Federacije BiH 24, iz Republike Srpske pet), bez glasova „protiv“ i četiri „suzdržana“ glasa, usvojen je zaključak iz Mišljenja Komisije za finansije i budžet, koji glasi: *„Predstavnički dom Parlamentarne skupštine BiH traži od Vijeća ministara BiH da u roku od tri mjeseca izvijesti Predstavnički dom Parlamentarne skupštine BiH o planiranim i preduzetim aktivnostima na realizaciji preporuke iz Izvještaja o izvršenoj reviziji učinka o temi: 'Sigurnost proizvoda i integracije u tržište EU', te da o preduzetim aktivnostima upozna Ured za reviziju institucija BiH.“*

Ad. 15. Izvještaj o izvršenoj reviziji učinka o temi: „Praćenje realizacije preporuka revizije učinka“, podnosilac: Ured za reviziju institucija BiH, broj: 01/4-16-10-885/20 od 5. 5. 2020.

Predsjedavajući je dao uvodne napomene. Diskutirala je Mirjana Marinković-Lepić.

„Za“ Izvještaj o izvršenoj reviziji učinka o temi: „Praćenje realizacije preporuka revizije učinka“ glasalo je 26 poslanika (iz Federacije BiH 24, iz Republike Srpske dva), glasova „protiv“ nije bilo, a „suzdržanih“ je bilo sedam poslanika. Predsjedavajući je konstatirao da nema potrebne entitetske većine. Kolegij Doma kao komisija odmah je obavio usaglašavanje. Saglasnost nije postignuta. U drugom krugu glasanja, s 26 glasova „za“, bez

glasova „protiv“ i sedam glasova „suzdržan“, usvojen je Izvještaj o izvršenoj reviziji učinka o temi: „Praćenje realizacije preporuka revizije učinka“.

„Za“ zaključak iz Mišljenja Komisije za finansije i budžet glasalo je 28 poslanika (iz Federacije BiH 24, iz Republike Srpske četiri), glasova „protiv“ nije bilo, a „suzdržanih“ je bilo pet poslanika. Predsjedavajući je konstatirao da nema potrebne entitetske većine. Kolegij Doma kao komisija odmah je obavio usaglašavanje. Saglasnost nije postignuta. U drugom krugu glasanja, s 28 glasova „za“, bez glasova „protiv“ i pet glasova „suzdržan“, usvojen je zaključak koji glasi: *„Predstavnički dom Parlamentarne skupštine BiH traži od Vijeća ministara BiH da u roku od 30 dana izvršiti Predstavnički dom Parlamentarne skupštine BiH u kojoj je fazi izrada izmjena Zakona o deminiranju u Bosni i Hercegovini (‘Službeni glasnik BiH’, broj 5/20).“*

Ad. 16. Godišnji konsolidirani izvještaj interne revizije za 2019. godinu, podnosilac: Ministarstvo finansija i trezora BiH, broj: 01,02-16-1-1290/20 od 30. 6. 2020.

Predsjedavajući je dao uvodne napomene. Nije bilo rasprave.

„Za“ Godišnji konsolidirani izvještaj interne revizije za 2019. godinu glasala su 24 poslanika (iz Federacije BiH 22, iz Republike Srpske dva), glasova „protiv“ nije bilo, a „suzdržanih“ je bilo devet poslanika. Predsjedavajući je konstatirao da nema potrebne entitetske većine. Kolegij Doma kao komisija odmah je obavio usaglašavanje. Saglasnost nije postignuta. U drugom krugu glasanja, s 24 glasa „za“, bez glasova „protiv“ i devet glasova „suzdržan“, usvojen je Godišnji konsolidirani izvještaj interne revizije za 2019. godinu.

Ad. 17. Konsolidirani izvještaj o sistemu finansijskog upravljanja i kontrole za 2019. godinu, podnosilac: Ministarstvo finansija i trezora BiH, broj: 01,02-16-1-1291/20 od 30. 6. 2020.

Predsjedavajući je dao uvodne napomene. Nije bilo rasprave.

„Za“ Konsolidirani izvještaj o sistemu finansijskog upravljanja i kontrole za 2019. godinu glasalo je 25 poslanika (iz Federacije BiH 23, iz Republike Srpske dva), glasova „protiv“ nije bilo, a „suzdržanih“ je bilo osam poslanika. Predsjedavajući je konstatirao da nema potrebne entitetske većine. Kolegij Doma kao komisija odmah je obavio usaglašavanje. Saglasnost nije postignuta. U drugom krugu glasanja, s 26 glasova „za“, bez glasova „protiv“ i sedam glasova „suzdržan“, usvojen je Konsolidirani izvještaj o sistemu finansijskog upravljanja i kontrole za 2019. godinu.

Ad. 18. Izbor člana Visokog sudskog i tužilačkog vijeća BiH, u skladu s članom 4. stav (1) tačka n) Zakona o Visokom sudskom i tužilačkom vijeću BiH, materijal Visokog sudskog i tužilačkog vijeća BiH, broj: 01-50-18-546/20 od 25. 2. 2020. i 4. 3. 2020.

Predsjedavajući je dao uvodne napomene. Nije bilo rasprave.

S 24 glasa „za“ (iz Federacije BiH 16, iz Republike Srpske osam), osam glasova „protiv“ i jednim „suzdržanim“ glasom, usvojena je Odluka o izboru člana Visokog sudskog i tužilačkog vijeća BiH, te za člana Visokog sudskog i tužilačkog vijeća BiH izabrala Lejlu Hadžić.

Ad. 19. Prijedlog odluke o imenovanju člana Državne regulatorne komisije za električnu energiju iz Republike Srpske, predlagač: Vijeće ministara BiH, broj: 01,02-34-1-1477/20 od 20. 7. 2020.

Predsjedavajući je dao uvodne napomene. Nije bilo rasprave.

Sa 17 glasova „za“ (iz Federacije BiH 11, iz Republike Srpske šest), osam glasova „protiv“ i osam „suzdržanih“ glasova usvojena je Odluka o imenovanju člana Državne regulatorne komisije za električnu energiju iz Republike Srpske, te za člana Državne regulatorne komisije za električnu energiju iz Republike Srpske imenovana Branislava Milekić.

Ad. 20. Imenovanje tri člana iz Predstavničkog doma u Zajedničku komisiju za usaglašavanje teksta Zakona o Budžetu institucija Bosne i Hercegovine i međunarodnih obaveza Bosne i Hercegovine za 2020. godinu (predlagač: Predsjedništvo BiH)

Predsjedavajući je dao uvodne napomene. U raspravi su učestvovali Damir Arnaut i Nermin Nikšić.

U Zajedničku komisiju usaglašavanje teksta Zakona o Budžetu institucija Bosne i Hercegovine i međunarodnih obaveza Bosne i Hercegovine za 2020. godinu, sa 18 glasova „za“ (iz Federacije BiH 12, iz Republike Srpske šest), sedam glasova „protiv“ i osam „suzdržanih“ glasova, imenovani su poslanici: Dragan Bogdanić, Predrag Kožul i Adil Osmanović.

Ad. 21. Razmatranje poslaničke inicijative: Mirjane Marinković-Lepić, Damira Arnauta, Predraga Kojovića i Aide Baručije, koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo poslaničku inicijativu kojom se sugerira nadležnim državnim i entitetskim institucijama, odnosno institucijama Brčko Distrikta (vlade i zakonodavna tijela), da pripreme i usvoje izmjene i dopune zakona o parničnom postupku, na način da se u njih inkorporiraju odredbe o oslobađanju od plaćanja troškova postupka koji obuhvata i iznos koji bi se stranci priznao na ime nagrade advokatu u slučaju kada stranke zastupa javno pravobranilaštvo, a u skladu sa sudskom praksom Evropskog suda za ljudska prava”, broj: 01-50-1-1222/20 od 19. 6. 2020.

Predsjedavajući je dao uvodne napomene. U raspravi su učestvovali: Mirjana Marinković-Lepić, Šemsudin Mehmedović, Nikola Lovrinović i Zlatan Begić.

„Za“ poslaničku inicijativu: Mirjane Marinković-Lepić, Damira Arnauta, Predraga Kojovića i Aide Baručije glasala su 23 poslanika (iz Federacije BiH 20, iz Republike Srpske tri), „protiv“ pet, a „suzdržanih“ je bilo pet poslanika. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o navedenoj poslaničkoj inicijativi.

Ad. 22. Razmatranje poslaničke inicijative poslanika Kluba SDA koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo poslaničku inicijativu kojom Predstavnički dom Parlamentarne skupštine BiH, u skladu s članom 35. Zakona o Vijeću ministara Bosne i Hercegovine (‘Službeni glasnik BiH’, br. 30/03, 42/03, 81/06, 76/07, 81/07, 94/07 i 24/08), obavezuje Vijeće ministara BiH da u roku od 90 dana pripremi Prijedlog zakona o izmjenama i dopunama Zakona o Sudskoj policiji Bosne i Hercegovine (‘Službeni glasnik BiH’, br. 3/03, 21/03 i 8/13), i to na način da se Sudska policija Bosne i Hercegovine osniva kao osnovna organizaciona jedinica u sastavu Suda Bosne i Hercegovine”, broj: 01-50-1-1229/20 od 22. 6. 2020.

Predsjedavajući je dao uvodne napomene. Nije bilo rasprave.

„Za“ poslaničku inicijativu poslanika Kluba SDA glasalo je 19 poslanika (iz Federacije BiH 18, iz Republike Srpske jedan), „protiv“ devet, a „suzdržanih“ je bilo pet poslanika. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o navedenoj poslaničkoj inicijativi.

Prije prelaska na tačku 23. dnevnog reda, predsjedavajući je predložio da se objedini rasprava o tačkama 23 - 26. s obzirom na to da je riječ o davanju saglasnosti za ratifikaciju materijala. Ovaj prijedlog prihvaćen je s 30 glasova „za“ (iz Federacije BiH 24, iz Republike Srpske šest), bez glasova „protiv“ i jednim „suzdržanim“ glasom.

Ad. 23 - 26. Davanje saglasnosti za ratifikaciju

Predsjedavajući je dao uvodne napomene. Nije bilo rasprave.

Predsjedavajući je predložio da se objedini glasanje o tačkama 23 - 26.

Ovaj prijedlog prihvaćen je jednoglasno, s 33 glasa „za“ (iz Federacije BiH 24, iz Republike Srpske devet).

S 32 glasa „za“ (iz Federacije BiH 23, iz Republike Srpske devet), bez glasova „protiv“ i jednim „suzdržanim“ glasom, data je saglasnost za ratifikaciju:

- Sporazuma između Vijeća ministara Bosne i Hercegovine i Vlade Rumunije o uzajamnoj zaštiti tajnih podataka,
- Ugovora Svjetske organizacije za intelektualno vlasništvo (Wipo) iz Marakeša za olakšanje pristupa objavljenim djelima slijepim, slabovidim i licima koja se iz drugog razloga ne mogu koristiti štampom,
- Izmijenjene konvencije Evropske organizacije za satelitske komunikacije (EUTELSAT) i
- Dodatnog protokola 6. o trgovini uslugama uz Sporazum o izmjeni i pristupanju Centralnoevropskom sporazumu o slobodnoj trgovini (CEFTA 2006).

Sjednica je završena u 14.25 sati.

Sastavni dio Zapisnika je transkript 11. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja


PREDSJEDAVAJUĆI
PREDSTAVNIČKOG DOMA

Nebojša Radmanović
